



LEMBARAN PENDEDAHAN PRODUK

Sila baca lembaran pendedahan produk ini sebelum anda memilih untuk mengambil EASY COVER PA. Pastikan anda juga membaca semua terma-terma dan syarat-syarat am.

AIA General Berhad

EASY COVER PA

Date: JUN 01,2022.

1. Apakah mengenai produk ini ?

EASY COVER PA adalah polisi perlindungan yang menyediakan pampasan sekiranya berlaku kecederaan, hilang upaya atau kematian yang disebabkan oleh kemalangan.

2. Apakah perlindungan/ manfaat yang disediakan?

Polisi ini menyediakan:

Manfaat	Amaun Perlindungan (RM)		
	Pelan 500	Pelan 200	Pelan 100
Manfaat Kematian & Pengudungan Akibat Kemalangan	500,000	200,000	100,000
Manfaat Sara Hidup Bulanan (sebulan bagi maksimum 180 bulan)	3,000	2,000	1,000
Manfaat Pembayaran Balik Perbelanjaan Perubatan	5,000	5,000	3,000
Manfaat Pendapatan Hospital Akibat Kemalangan (sehari sehingga 730 hari)	300	300	100
Elaun Belas Ihsan	5,000	5,000	5,000

Sila rujuk kepada Jadual Tanggung Rugi bagi kematian dan kehilangan upaya dalam Polisi ini.

Tempoh perlindungan ialah untuk satu tahun. Anda perlu memperbaharui perlindungan insurans anda setiap tahun.

3. Berapakah premium yang perlu saya bayar?

Jumlah premium yang perlu anda bayar adalah berbeza bergantung kepada keperluan penajajaminan. Premium ekstra mungkin ditambah kepada premium standard sekiranya risiko yang dikemukakan adalah lebih tinggi daripada risiko standard. Premium berkemungkinan kekal sama. Walau bagaimanapun, kami berhak mengubah premium yang dikenakan pada masa pembaharuan.

Mod Premium	Premium (RM)		
	Pelan 500	Pelan 200	Pelan 100
Premium Bulanan	67.84	38.16	19.08
Premium Suku Tahunan	215.18	120.84	61.48
Premium Separuh Tahunan	408.10	232.14	115.54
Premium Tahunan	801.36	454.74	230.02

Premium yang dibayar adalah tertakluk kepada cukai yang dikenakan oleh kerajaan Malaysia pada kadar semasa.

4. Apakah yuran-yuran dan caj yang perlu saya bayar?

Jenis	Amaun
Kos Pengedaran Langsung yang dibayar kepada ejen insurans/pemimpin agensi/perantara	24% daripada premium yang dibayar atau RM24 bagi setiap RM100 premium yang dibayar sebagai komisen dan komisen kelola
Duti setem*	RM10.00
Cukai Kerajaan Yang Berkenaan	6% daripada premium yang dibayar atau RM6.00 bagi setiap RM100 premium

* Berkuatkuasa 1 Januari 2022 hingga 31 Disember 2025, duti setem bagi polisi yang dikeluarkan kepada Pemilik Individu dengan jumlah premium tahunan RM150 dan ke bawah dikecualikan mengikut PERINTAH DUTI SETEM (PENGECUALIAN) (NO. 16) 2021; kepada Pemilik Korporat yang berkecualian sebagai perusahaan mikro, kecil dan sederhana dengan jumlah premium tahunan RM250 dan ke bawah dikecualikan mengikut PERINTAH DUTI SETEM (PENGECUALIAN) (NO. 15) 2021.

5. Apakah di antara terma-terma dan syarat-syarat utama yang perlu saya ketahui?

- **Kewajipan Pendedahan** – Menurut Perenggan 5 daripada Jadual 9 Akta Perkhidmatan Kewangan 2013, jika anda memohon insurans ini sepenuhnya untuk tujuan yang tidak berkaitan perdagangan, perniagaan atau profesion anda, anda mempunyai kewajipan untuk mengambil langkah yang munasabah untuk tidak salah nyata dalam menjawab soalan-soalan di dalam Borang Cadangan/Permohonan (atau semasa memohon insurans ini). Anda dikehendaki menjawab soalan-soalan dalam Borang Cadangan/Permohonan ini dengan lengkap dan tepat.

Kegagalan untuk mengambil langkah yang munasabah dalam menjawab soalan-soalan, mungkin mengakibatkan pembatalan kontrak insurans anda, keengganan atau pengurangan gantirugi, perubahan terma atau penamatan kontrak insurans anda. Kewajipan pendedahan diatas hendaklah diteruskan sehingga kontrak insurans anda dimeterai, diubah atau diperbaharui dengan kami.

Sebagai tambahan kepada soalan-soalan di dalam Borang Cadangan/Permohonan (atau semasa memohon insurans ini), anda dikehendaki untuk mendedahkan apa-apa perkara lain yang anda tahu akan mempengaruhi keputusan kami dalam menerima risiko dan menentukan kadar dan terma yang dikenakan.

Anda juga mempunyai kewajipan untuk memberitahu kami dengan serta-merta jika pada bila-bila masa selepas kontrak insurans anda ditandatangani, diubah atau diperbaharui dengan kami (atau semasa permohonan insurans ini), apa-apa maklumat yang dinyatakan dalam Borang Cadangan/Permohonan tidak tepat atau sudah berubah.

- **Tempoh Ihsan** – Tempoh Ihsan selama 31 hari dari Tarikh Genap Tempoh akan dibenarkan bagi bayaran untuk setiap premium selepas premium pertama di mana dalam tempoh ini Polisi ini akan terus berkuat kuasa. Dengan syarat, jika kerugian berlaku dalam Tempoh Ihsan, maka sebarang baki premium yang genap tempoh belum dibayar bagi tahun Polisi penuh di mana kerugian ini berlaku akan ditolak daripada prosid insurans yang dibayar di bawah Polisi ini.
- **Kelayakan** – Umur penyertaan bagi orang yang Diinsuranskan ialah dari umur 16 ke 70 tahun dan pembaharuan adalah sehingga umur 75 tahun. Permohonan terbuka kepada rakyat Malaysia mahupun warganegara Asing yang mempunyai permit kerja yang sah.
- **Pertukaran Pekerjaan** – Anda perlu memaklumkan kami secara bertulis jika anda bertukar pekerjaan. Kami akan meneliti pekerjaan baru anda untuk menentukan, bagi tujuan insurans, sama ada ia masih tergolong dalam kelas pekerjaan yang boleh diinsuranskan bagi pelan ini.
- **Bagaimanakah saya boleh membuat tuntutan?** – Anda perlu melengkapkan dokumen-dokumen tuntutan yang boleh didapati daripada mana-mana cawangan AIA atau dengan menelefon AIA Care Line di 1 300 88 1899. Senarai cawangan AIA boleh didapati di www.aia.com.my. Anda mesti memberikan kami notis tuntutan bertulis mengenai sebarang kecederaan dalam tempoh 30 hari dari tarikh kemalangan yang menyebabkan kecederaan ini. Sekiranya berlaku kematian akibat kemalangan, notis tuntutan mestilah diberikan kepada kami dengan serta-merta. Kami juga menghendaki bukti tuntutan tersebut dikemukakan dalam tempoh 90 hari dari tarikh kemalangan. Bagi tuntutan berkaitan dengan kecederaan, bukti tuntutan termasuklah laporan perubatan, laporan polis dan bil perubatan/rawatan yang berkaitan dengan tuntutan itu. Bagi tuntutan kematian akibat kemalangan, bukti tuntutan termasuklah perakuan hospital, dokumen mengenai rawatan atau pemeriksaan perubatan, laporan polis, laporan bedah siasat dan sijil kematian atau keratan akhbar. Bukti identiti orang yang membuat tuntutan juga mesti dikemukakan.

Nota : Senarai ini adalah tidak terperinci. Sila rujuk kepada kontrak polisi untuk senarai lengkap pengecualian di bawah Polisi ini.

6. Apakah pengecualian penting di dalam Polisi ini?

- Penyakit sedia ada;
- Jangkitan bakteria;
- Sebarang jenis penyakit atau sakit atau kecacatan kongenital;
- Rawatan perubatan atau pembedahan (kecuali rawatan yang diperlukan akibat kecederaan yang dilindungi di bawah pelan ini);
- Bunuh diri atau kecederaan diri yang disengajakan;

- Melahirkan anak, kehamilan atau keguguran;
- Sukan professional;
- AIDS;
- Gangguan mental atau saraf; penggunaan sebarang jenis dadah/narkotik; atau/dan
- Sebarang jenis perlumbaan.

Nota : Senarai ini adalah tidak terperinci. Sila rujuk kepada kontrak polisi untuk senarai lengkap pengecualian di bawah Polisi ini.

7. Bolehkah saya membatalkan Polisi saya?

Anda boleh membatalkan polisi anda dengan memberi notis bertulis kepada kami. Apabila polisi anda dibatalkan, anda layak menerima pembayaran balik premium berdasarkan Jadual Pembatalan Kadar Pendek. Sila rujuk kepada kontrak polisi bagi Jadual Pembatalan Kadar Jangka Pendek.

8. Apakah yang perlu saya lakukan jika butir-butir hubungan/peribadi saya bertukar?

Adalah penting anda memberitahu kami mengenai sebarang pertukaran kepada profil kehidupan anda termasuk pekerjaan dan kegiatan peribadi anda yang boleh mempengaruhi profil risiko.

9. Di mana saya boleh mendapatkan maklumat lanjut?

Sekiranya anda memerlukan maklumat tambahan mengenai insurans kemalangan diri, sila rujuk buku kecil *insuranceinfo* mengenai "Insurans Kemalangan Diri" yang boleh didapati di semua cawangan kami atau anda boleh mendapatkan satu salinan daripada ejen insurans anda atau layari www.insuranceinfo.com.my.

Jika anda mempunyai sebarang pertanyaan, sila hubungi kami di:

AIA General Berhad (924363-W)

Menara AIA,

99 Jalan Ampang,

50450 Kuala Lumpur.

Tel: 1 300 88 1899

Fax: 03-2056 2591

Email: MY.GI-Ops@aia.com

10. Perlindungan jenis lain yang serupa sedia ada

Sila hubungi kami untuk perlindungan jenis lain yang sama kami tawarkan.

NOTA PENTING:

ANDA DINASIHATKAN SUPAYA MEMBERI PERHATIAN KEPADA JADUAL TANGGUNG RUGI BAGI MANFAAT KEMATIAN DAN KEHILANGAN UPAYA DALAM POLISI INSURANS ANDA. ANDA MESTI MENAMAKAN PENAMA DAN MEMASTIKAN PENAMA ANDA TAHU MENGENAI POLISI KEMALANGAN DIRI YANG TELAH ANDA BELI. ANDA HENDAKLAH MEMBACA DAN MEMAHAMI POLISI INSURANS DAN MENGHUBUNGI AIA GENERAL BERHAD UNTUK MAKLUMAT LANJUT.

LEMBARAN PENDEDAHAN PRODUK INI MENGANDUNGI RINGKASAN PRODUK DAN BUKANLAH SATU KONTRAK INSURANS. KONTRAK POLISI AKAN SENTIASA DITERIMA PAKAI.

Maklumat yang diberikan dalam pendedahan ini adalah sah pada JUN 01,2022.